

REGIONAL NEWS UNIT
ALL INDIA RADIO, AGARTALA
Date: 06-03-2026
Time: 07:35-07:40 AM Hrs
BENGALI MORNING BULLETIN

Vice President Visit :

উপরাষ্ট্রপতি সিপি রাধাকৃষ্ণন দুদিনের সফরে আগামীকাল রাজ্যে আসছেন। লোকভবনে রাত্রিয়াপনের পর উপরাষ্ট্রপতি পরদিন, রবিবার সকালে আগরতলায় অ্যালবার্ট এক্সা ওয়্যার মেমোরিয়ালে বীর সোনানীদের প্রতি শ্রদ্ধা জ্ঞাপন করবেন। এরপর উদয়পুরে মাতা ত্রিপুরাসুন্দরী মন্দিরে পূজা দিয়ে আগরতলায় ত্রিপুরা কেন্দ্রীয় বিশ্ববিদ্যালয়ের ১৪তম সমাবর্তন উৎসবে যোগ দেবেন। তিনি সেইদিনই আগরতলার হাঁপানিয়া আন্তর্জাতিক মেলা প্রাঙ্গণে স্ব-সহায়ক দলের স্টল পরিদর্শন করবেন ও লাখপতি দিদিদের সঙ্গে মতবিনিময় করবেন এবং নতুন দিল্লির উদ্দেশ্যে রওনা হবেন বলে গতকাল পশ্চিম ত্রিপুরা জেলা শাসক ডা: বিশাল কুমার এখবর জানিয়েছেন।

Viksit Bharat Young Leaders Dialogue 2027 :

যুব বিষয়ক ও ক্রীড়া মন্ত্রকের আওতাধীন যুব বিষয়ক বিভাগ আজ থেকে বেঙ্গালুরুতে দুই দিনের মাই ভারত-এনএসএস চিন্তন শিবিরের আয়োজন করবে। যুব বিষয়ক ও ক্রীড়া মন্ত্রী ডঃ মনসুখ মান্ডভিয়া এবং যুব বিষয়ক ও ক্রীড়া প্রতিমন্ত্রী রক্ষা নিখিল খাড়সে চিন্তন শিবিরে যোগ দেবেন। মন্ত্রক জানিয়েছে এই কর্মসূচির লক্ষ্য মেরা যুব ভারত এবং জাতীয় সেবা প্রকল্পের মাধ্যমে দেশ জুড়ে যুব কর্মসূচি বাস্তবায়ন উন্নত করা। এই কর্মসূচিতে FIT India এবং Viksit Bharat Young Leaders Dialogue 2027 এর রোডম্যাপ নিয়েও আলোচনা হবে।

New Governor :

রাষ্ট্রপতি দ্রৌপদী মুর্মু গতকাল নয়টি রাজ্য ও কেন্দ্রশাসিত অঞ্চলে নতুন করে রাজ্যপাল ও উপ-রাজ্যপাল নিযুক্ত করেছেন। ত্রিপুরার প্রাক্তন উপ - মুখ্যমন্ত্রী তথা বর্তমানে তেলেঙ্গানার রাজ্যপাল জিষ্ণু দেববর্মাকে মহারাষ্ট্রের রাজ্যপাল হিসেবে নিযুক্ত করা হয়েছে। তার স্থলাভিষিক্ত হয়েছেন হিমাচল প্রদেশের রাজ্যপাল শিব প্রতাপ শুক্লা। নাগাল্যান্ডের রাজ্যপাল হিসেবে নিযুক্ত হয়েছেন নন্দ কিশোর যাদব। বিহারের নতুন রাজ্যপাল হিসেবে নিযুক্তি পেয়েছেন অবসরপ্রাপ্ত লেফটেন্যান্ট জেনারেল সৈয়দ আতা হোসেন। পশ্চিমবঙ্গের রাজ্যপাল হিসেবে নিযুক্ত হয়েছেন তামিলনাড়ুর রাজ্যপাল আর এন রবি। হিমাচল প্রদেশের রাজ্যপাল হিসেবে নিযুক্ত হয়েছেন লাদাখের উপ-রাজ্যপাল কভিন্দর গুপ্তা। দিল্লির উপ- রাজ্যপাল বিনয় কুমার সাক্ষেনা লাদাখের উপ- রাজ্যপাল হিসেবে নিযুক্ত হয়েছেন। দিল্লির উপ - রাজ্যপাল পদে নিযুক্ত হয়েছেন তরণজিৎ সিং সান্দু।

CM :

মুখ্যমন্ত্রী অধ্যাপক ডা: মানিক সাহা গতকাল এ.জি.এম.সি. ও জি.বি.পি. হাসপাতালে তিনটি গুরুত্বপূর্ণ স্বাস্থ্য পরিষেবার সূচনা করেন। এগুলি হল ১৬ শয্যা বিশিষ্ট রেসপিরেটরি অ্যান্ড জেরিয়াট্রিক ইনটেনসিভ কেয়ার ইউনিট, ট্রমা সেন্টার অপারেশন থিয়েটার এবং নবনির্মিত লেবার রুম বি.এস, অ্যান্ড গাইনো ও.টি কমপ্লেক্স। উদ্বোধনের পর এ.জি.এম.সি. কাউন্সিল ভবনে আয়োজিত সাংবাদিক সম্মেলনে মুখ্যমন্ত্রী বলেন, এই পরিষেবাগুলি চালু হওয়ার ফলে রোগীদের উন্নত ও সময়োপযোগী চিকিৎসা পরিষেবা প্রদান করা আরও সহজ হবে।

মুখ্যমন্ত্রী জানান, ভবিষ্যতে ৩২০টিরও বেশি আই.সি.ইউ-এর শয্যা সংখ্যা বাড়ানো হবে। মুখ্যমন্ত্রী বলেন, ট্রমা সেন্টারের অপারেশন থিয়েটার চালু করা স্বাস্থ্য দপ্তরের একটি প্রয়োজনীয় পদক্ষেপ। এর মাধ্যমে এখন থেকে ২৪ ঘন্টা জরুরি অস্ত্রোপচার করা সম্ভব হবে।

Raisina Dialogue:

প্রধানমন্ত্রী নরেন্দ্র মোদী গতকাল নয়াদিল্লিতে রাইসিনা সংলাপের ১১তম সংস্করণের উদ্বোধন করেছেন। মূল ভাষণে ফিনল্যান্ডের রাষ্ট্রপতি ডঃ আলেকজান্ডার স্টাব বলেছেন, দক্ষিণ বিশ্ব পরবর্তী বিশ্বব্যবস্থা নির্ধারণ করবে এবং ভারত তাতে নির্ণায়ক ভূমিকা পালন করবে। রাষ্ট্রপতি স্টাব বলেছেন পশ্চিম-অধ্যুষিত বিশ্বের যুগ শেষ হয়ে গেছে, তবে এর প্রভাব কমে যেতে কিছুটা সময় লাগবে। তিনি স্বীকার করেছেন এখন বিশ্ব রাজনীতিতে বড় চ্যালেঞ্জ রয়েছে। এই অনুষ্ঠানে বিদেশমন্ত্রী ডঃ এস জয়শঙ্কর বলেন, ভারতীয়দের অবশ্যই ব্যাপক আন্তর্জাতিক সচেতনতা বাড়ানো জারি রাখতে হবে। তিনি বলেন, আগামী কয়েকদিনে আলোচনা হবে নতুন ক্ষমতা, প্রযুক্তি, কৃত্রিম বুদ্ধিমত্তা এবং নতুন মানসিকতা নিয়ে।

Portugal Parliamentary Delegation:

পর্তুগালের এক সংসদীয় প্রতিনিধিদল নয়াদিল্লির সংসদভবনে গতকাল রাজ্যসভার ডেপুটি চেয়ারম্যান হরিবংশের সঙ্গে সাক্ষাৎ করেছে। প্রতিনিধিদলের নেতৃত্বে ছিলেন সে দেশের সংসদে ভাইস প্রেসিডেন্ট মার্কোস পেরেস্ট্রেলো ডি ভাসকোনসেলোস। বৈঠকে, শ্রী হরিবংশ ভারত ও পর্তুগালের মধ্যে গভীর বন্ধুত্বের সম্পর্ক, পারস্পরিক শ্রদ্ধা, অভিন্ন গণতান্ত্রিক মূল্যবোধ, ঐতিহাসিক ও সামুদ্রিক যোগাযোগ এবং সাংস্কৃতিক ও প্রবাসী সম্পর্কের উপর ভিত্তি করে গড়ে ওঠার বিষয়টি তুলে ধরেন। তিনি ২০২৫ সাল দুই দেশের মধ্যে কূটনৈতিক সম্পর্ক পুনঃপ্রতিষ্ঠার ৫০তম বার্ষিকীর কথাও স্মরণ করেন।

MEA on India-Finland relation:

বিদেশ মন্ত্রকের পাশ্চাত্য সংক্রান্ত সচিব সিবি জর্জ বলেছেন, ডিজিটাল উদ্ভাবনে ফিনল্যান্ডের বিকশিত সক্ষমতা ভারতের ডিজিটাল রূপান্তর উদ্যোগের সঙ্গে সাযুজ্যপূর্ণ। নয়াদিল্লিতে গতকাল সচিব শ্রী জর্জ বলেন, 5G , 6G, কোয়ান্টাম যোগাযোগ, উচ্চ-কার্যক্ষমতা, কোয়ান্টাম কম্পিউটিং ও কৃত্রিম বুদ্ধিমত্তার মতো নতুন এবং উদীয়মান প্রযুক্তিতে সহযোগিতা এগিয়ে নেওয়ার জন্য উভয় পক্ষ ডিজিটাল প্রযুক্তির উপর একটি আন্তর্জাতিক যৌথ কর্মী গোষ্ঠী প্রতিষ্ঠা করেছে। শ্রী জর্জ বলেন, উভয় পক্ষ অভিবাসন এবং গতিশীলতায় অংশীদারিত্ব নিয়ে একটি সমঝোতা স্মারক স্বাক্ষর করেছে। তিনি বলেন, পেশাদার, শিক্ষার্থী, উদ্যোগী, গবেষক এবং শিক্ষাবিদ সহ প্রতিভাদের গতিশীলতাকে এই চুক্তি সহজতর করবে বলে আশা করা হচ্ছে।

Cricket-T20:

চলতি T20 বিশ্বকাপ ক্রিকেটে গতকালের সেমিফাইনালে ইংল্যান্ডের বিরুদ্ধে ৭ রানে জয়লাভ করেছে ভারত। মুম্বাইতে অনুষ্ঠিত খেলায় টমে জিতে ইংল্যান্ড ভারতকে ব্যাট করতে পাঠায়। নির্ধারিত ২০ ওভারে ৭ উইকেটে ২৫৩ রান তোলে ভারত। জ্বারে ইংল্যান্ড ২০ ওভারে ৭ উইকেটে ২৪৬ রানে ইনিংস শেষ করে। ফলে ২০২৬ এর টি টোয়েন্টি ক্রিকেট বিশ্বকাপের ফাইনালে নিউজিল্যান্ডের মুখোমুখি হবে ভারত।

Weather:

আজ দুপুর পর্যন্ত আবহাওয়ার পূর্বাভাসে জানানো হয়েছে আকাশ অংশত মেঘলা থাকবে। সকালের দিকে হালকা কুয়াশা ছিল। দিনের সর্বোচ্চ তাপমাত্রা থাকবে ৩২ ডিগ্রির কাছাকাছি। আগরতলায় আজ ভোরে সর্বনিম্ন তাপমাত্রা ছিল ১৯ ডিগ্রি সেলসিয়াস।
